



EBAZPENA, 2024ko apirilaren 8koa, Hezkuntza Saileko Langileak Kudeatzeko zuzendariarena, zeinaren bidez deialdia egiten baita lan-kontratudun irakasle finkoek eta hezkuntza-langile finkoek adina dela-eta eskola-orduak/zuzeneko arreta murrizteko 2024/25 ikasturterako.

Hezkuntza, Unibertsitate eta Ikerketa Saileko lan-legepeko irakasle eta hezitzaileentzako hitzarmen kolektiboak (2004ko ekainaren 17ko EHAA), 51. artikuluan, ordutegi-murrizketak arautzen ditu, esanez: *"60 urtetik gorako langileentzat ordu-murrizketak ezarriko dira. Batzorde Parekideak baldintza hori aplikatzeko formulak ezarriko ditu. Sektore horretako ezaugarri bereziak alde batera utzita, unibertsitateaz kanpoko irakasle funtzionario publikoen sektorean irudi horretarako erabiltzen direnen antzekoak izango dira. Neurri hori 55 urtetik gorakoentzat zabal daiteke apurka-apurka, betiere langile kopurua kontuan hartuta"*.

Irakasle Funtzionarioen Mahai Sektorialaren 2018ko maiatzaren 14ko akordiorako proposamenak 11. apartatuan aurreikusten du adinagatik irakastorduak murriztea, eta adierazten du proposamen horren helburu nagusia dela lan-karga arintzea adin batetik aurrera borondatez erretiratzeko aukerarik ez duten langileei, eta, aldi berean, belaunaldi-erreleboari laguntzea.

Mahai Parekidea 2022ko otsailaren 15ean bildu zen gai hori aztertzeko, eta aurten egin da murrizketa honi buruzko hirugarren deialdia.

Horren arabera, eta Hezkuntza Sailaren egitura organikoa eta funtzionala ezartzen duen otsailaren 23ko 71/2021 Dekretuaren 10. artikuluan xedatutakoa kontuan hartuta, honako hau

EBATZI DUT:

LEHENENGOA.- Xedea.

Ebazpen honen xedea da adinagatik irakastorduak/zuzeneko arreta murrizteko eskaera-prozedura ezartzea, ebazpenean ezarritako baldintzetan.

BIGARRENA.- Aplikazio-eremua.

Deialdi hau honako langile hauei aplikatuko zaie:

a) Lan-kontratudun irakasle eta hezitzaile finkoak, mugagabe ez-finkoak edo lanpostu hutsetan dauden bitartekoak (hezkuntza-laguntzako espezialistak, fisioterapeutak, zeinu-mintzairaren interpretea eta terapeuta okupazionalak), abuztuaren 31n 59 urte dituztenak (60 urte bete gabe)..

Irakasleei asteko bi irakastordu murriztuko zaizkie, eta hezitzaileei, berriz, asteko bi zuzeneko arreta.

b) Lan-kontratudun irakasle eta hezitzaile finkoak, mugagabe ez-finkoak edo lanpostu hutsetan dauden bitartekoak (hezkuntza-laguntzako espezialistak, fisioterapeutak, zeinu-mintzairaren interpretea eta terapeuta okupazionalak), abuztuaren 31n 60 urte edo gehiago badituzte eta erretiro partziala hartzeko baldintzak betetzen ez badituzte.

Irakasleei eskola-orduen herena murriztuko zaie, eta hezitzaileei (hezkuntza-laguntzako espezialistak, fisioterapeutak, zeinu-hizkuntzaren interpreteak eta okupazio-terapeutak) zuzeneko arretako orduen herena, ebazpen honen 3.a) atalean aurreikusitakoa kontuan hartuta.



HIRUGARRENA. – Betekizunak.

Bigarren ebazpen-zatian adierazitako langileek honako baldintza hauek bete beharko dituzte:

a) 2024/25 ikasturterako, irakasle finkoek, mugagabe ez-finkoek edo hutsik dauden bitarteko irakasleek gehieneko irakastorduak esleituta izatea (halakotzat jotzen da apartatu honetako c eta d baldintzak betetzea), eta hezkuntza-langile finkoek, mugagabe ez-finkoek edo hutsik dauden bitartekoek (hezkuntza-laguntzako espezialistak, fisioterapeutak, zeinuhizkuntzako interpretea eta terapeuta okupazionalak) zuzeneko arretako gehieneko orduak esleituta izatea. Hezkuntza-laguntzako espezialisten kasuan, zuzeneko arretako 30 orduetara iristen ez direnen eskaerak ere onartuko dira, baina heren baten murrizketa 30 orduko gehieneko zuzeneko arretaren gainean kalkulatu da, hau da, 20 orduko zuzeneko arreta eman beharko dute.

b) Erretiro partzialeko egoeran ez daudenak edo 2024/25 ikasturtean erretiro partziala hartuko ez dutenak.

c) Deialdi espezifiko baten bidez zerbitzu-eginkizunik esleituta ez izatea, ezta lanaldi-murrizketa bat ere 2024/25 ikasturterako.

d) Beste jarduera batzuetan aritzeagatik (proiektuak, EGA/AKA, jantokia, zuzendaritza-karguak) edo osasun-arrazoiengatik eskola-orduen murrizketarik ez izatea 2024/25 ikasturtean.

e) Bigarren jarduera batean zerbitzurik ez ematea.

f) Ezin izatea ohiko erretiroa eskuratu Gizarte Segurantzaren araudiaren arabera egungo kotizazio-oinarriak kontuan hartuta lor lezakeen gehieneko pentsioarekin.

g) Murrizketa-orduak ikastetxeko zuzendaritzaren esku jartzea, eta, betiere, ikastetxean egoteko orduak izatea.

2024/25 ikasturterako eskola-orduen/zuzeneko arretaren murrizketa hori baimentzeko, betekizunak bete beharko dira ikasturte osoan (2024ko irailaren 1etik 2025ko abuztuaren 31ra).

LAUGARRENA.- Ordutegi-murrizketa aplikatzeko irizpideak.

Ordu-murrizketa ikastetxeko irakaskuntza- eta antolaketa-premiekin bat datozen irizpideen arabera aplikatuko da. Premia horiek zuzendaritza-taldeak ezarriko ditu.

BOSGARRENA.- Eskabideak.

1.- Eskabidea.

Eskaera HEZIGUNEA atariaren bidez egin beharko da (<https://hezigunea.euskadi.eus>), bannerretik ("Eskola-orduen murrizketa/adinagatik zuzeneko arreta: lan-kontratuko langile finkoak"), eta beharrezkoa izango da eskatzailea aurrez identifikatzea (NAN/AIZ + Pasahitza, edo XLNets-en erabiltzailea, baldin badago).

Eskabidean, zerbitzuak ematen ari diren zentroaren kodea bete behar da, eta, horretarako, I. eranskina argitaratu da.

2.- Dokumentazioa.



Erretiro partziala hartzeko adina duten lan-kontratudun irakasle eta hezitzaile finkoek, mugagabe ez-finkoek edo lanpostu hutsetako bitartekoek lan-bizitzaren txostena aurkeztu beharko dute, erretiro partziala hartu ahal duten ala ez egiaztatzeko. 2024/25 ikasturterako, txosten hau aurkeztu beharko dute 62 urte eta 6 hilabete edo gehiago betetzen dituztenek edo beteko dituztenek.

SEIGARRENA.- Eskabideak eta agiriak aurkezteko epea.

Eskola-orduen murrizketa/zuzeneko arreta eskatzeko epea 2024ko apirilaren 9tik 19ra bitartekoa izango da, biak barne.

Murrizketa-eskaera ebazpen honetan ezarritako epean egiten ez dutenek bertan behera utziko dute 2024/25 ikasturterako eskatzeko eskubidea.

2023/2024 ikasturtean adinagatik eskola-orduen murrizketa duten pertsonak berriz egin beharko dute eskaera, eta eskatutako baldintzak betetzen dituztela egiaztatu.

Azken urtean emandako murrizketa ez da automatikoki luzatzen, eta urtero eskaera berri bat egin behar da hori emateko.

ZAZPIGARRENA.- Dirulaguntza emateko ebazpena.

- a) Eskabideak aztertu ondoren, Langileak Kudeatzeko zuzendariaren behin-behineko ebazpena argitaratuko da.
- b) Behin-behineko ebazpenari alegazioak aurkezteko epea igaro ondoren, eta aurkeztutako alegazioak ikusita, hala badagokio, Langileak Kudeatzeko zuzendariaren behin betiko ebazpena argitaratuko da.
- c) Eskatutako murrizketak onartzeko eta ukatzeko ebazpena, jakinarazpen-ondorioetarako, Hezkuntza Sailaren webgunean argitaratuko da (<https://www.euskadi.eus/eusko-jaurilaritza/hezkuntza-saila/>).
- d) Murrizketa horri ezin zaio uko egin.

ZORTZIGARRENA.- Datu pertsonalen babesa.

Zure datu pertsonalak tratatu eta "Langileen kudeaketa" izeneko tratamendu-jardueran sartuko dira.

Arduraduna: Langileak Kudeatzeko Zuzendaritza, Hezkuntza Saila.

Helburua: Irakasleen eta irakasle ez diren langileen kudeaketa.

Legitimazioa:

- Interesduna alderdi den kontratu bat gauzatzeko edo interesdunak eskatuta kontratuaren aurreko neurriak aplikatzeko behar den tratamendua.
- Tratamendua beharrezkoa da interes publikoaren izenean, botere publikoen izenean edo tratamenduaren arduradunari emandako botere publikoen izenean burututako eginkizun bat betetzeko.



HEZKUNTZA SAILA
Administrazio eta Zerbitzuen Sailburuordetza
Langileak Kudeatzeko Zuzendaritza

HEZKUNTZA SAILA
Administrazio eta Zerbitzuen Sailburuordetza
Langileriaren Kudeaketa Zuzendaritza

- Hezkuntza, Unibertsitate eta Ikerketa Saileko lan-legepeko irakasle eta hezitzaileentzako hitzarmen kolektiboa (2004ko ekainaren 17ko EHAA).
- 2/1993 Legea, otsailaren 19koa, Euskal Autonomia Erkidegoko unibertsitatez kanpoko irakaskuntzako irakasleen kidegoei buruzkoa.
- 5/2015 Legegintzako Errege Dekretua, urriaren 30ekoa, Enplegatu Publikoaren Oinarrizko Estatutuaren Legearen testu bategina onartzen duena.

Hartzaileak:

- Estatuko Administrazioiko beste organo batzuk.
- Autonomia Erkidegoko beste organo batzuk.

Eskubideak: datuak eskuratzeko, zuzentzeko eta ezabatzeko eskubidea duzu, bai eta informazio gehigarrian jasotzen diren beste eskubide batzuk ere.

Informazio gehigarria: gure webgunean kontsulta dezakezu datuen babesari buruzko informazio gehigarri eta zehatza: <https://www.euskadi.eus/clausulas-informativas/web01-sedepd/es/transparencia/048100-cap2-es.shtml>

Araudia:

Datuak Babesteko Erregelamendu Orokorra (<https://eur-lex.europa.eu/legal-content/ES/TXT/HTML/?uri=CELEX:32016R0679&from=ES>).

3/2018 Lege Organikoa, abenduaren 5ekoa, Datu Pertsonalak Babestekoa eta Eskubide Digitalak Bermatzekoa (www.boe.es/buscar/doc.php?id=BOE-A-2018-16673).

BEDERATZIGARRENA.- Errekurtsoak.

Ebazpen honen aurka, demanda aurkeztu ahal izango da lan-arloko jurisdikzioan, ebazpena argitaratu eta 2 hilabeteko epean, Lan Arloko Jurisdikzioa arautzen duen urriaren 10eko 36/2011 Legearen 10.4.a) artikuluan – 6.2.b) artikuluekin lotuta – eta arau horren 69. artikuluan – urriaren 1eko 39/2015 Legeak emandako idazketan – ezarritakoaren arabera.

Vitoria-Gasteiz, 2024ko apirilaren 8a

**LANGILERIAREN KUDEAKETA ZUZENDARIA
LANGILEAK KUDEATZEKO ZUZENDARIA**

Izpta.: BLANCA GUERRERO OCEJO